



Anthon Frederiksen
Inatsisartunut ilaasortaq

Innuttaasunut annertuumik innarluutilinnut suliffeqartitsinermi akissarsiaqartitsineq pillugu § 37 naapertorlugu apeqqtigineqartup nr. 199-ip akineqarnera

Asasara Anthon Frederiksen

Apeqqtinut nassiunneqartunut qujanaq.

Apeqqt 1. Suna tunngavigineqarsimava innarluutillit ulluunerani ornittakkani, sanaluttarfinni imaluunniit suliffinni illersugaasuni sulinerminni tiimimut 15 kr.-inik akissarsiaqartarnissaannut?

Annertuumik *innarluutillit ikiorserneqartarnerat pillugu Inatsisartut peqqussutaanni nr. 7, 3. november 1994-imeersumi kapitali 6-imi § 18, imm. 2* malillugu innuttaasunik annertuumik innarluutilinnik suliassaqartitsineq pillugu malittarisassanik Naalakkersuisut aalajangersaasinnaapput, taakkununnga ilanngullugit suliassaqartitsinermit atatillugu innuttaasunut innarluutilinnut akissarsiaqartitsisinnaaneq pillugu malittarisassat.

Peqqussummut nassuiaatini erseqqissarneqarpoq akissarsiaritineqartoq immikkut kaasarfimmiuliinertut isigineqassasoq innuttaasup suliassaqartitsiniarnermut kajuminnerulernissaa anguniarlugu.

Aningaasartai 15 kr.-iusut siullermik Isumaginninnikkut ikiorsiissutinik tunniussisarneq pillugu Kaajallaasitami nr. 262, 1. december 2009-meersumi nalunaarutigineqarput.

Aningaasartai siusinnerusukkut tiiminut 10 kr.-iusimapput.

Apeqqt 2. Tiimimusi 15-kr.-inissaannik Annertuumik innarluutillit ikiorserneqartarnerat pillugu Namminersorlutik Oqartussat nalunaarutaatigut nr. 8, 25. juni 2014-imeersukkut aalajangersarneqarsimanera innarluutillit peqatigiiffiata qanoq isumaqarfigaa?

Annertuumik *innarluutillit ikiorserneqartarnerat pillugu Namminersorlutik Oqartussat nalunaarutaat nr. 19, 16. december 2010-meersoq (Atuussimasoq)* ilaatigut KNIPK tusarniaaffigineqartunut ilaatillugu siullermik 2010-mi juunimi tusarniaassutigineqarpoq, taamanikkullu aningaasartai nalunaarut aqutigalugu siullermik aalajangersarneqarput. Innarluutilinnut suleqatigiiffinniit allanit tusarniaanermut akissuteqartoqanngilaq.

Apeqqt 3. Annertuumik innarluutillit qassit suliffimmik ingerlatsinersut Naalakkersuisut ilisimasaqarfigaat aammalu Namminersorlutik Oqartussat kommunillu ukiumut tiimimusanit taakkunanga qanoq annertutigisumik aningaasartuuteqartarpat?

Innarluutilinnut isumaginninneq kommuninut tunniunneqarnikuvoq, taakkunungalu aamma ilaapput suliassaqartitsinermit akissarsianut aningaasartuutit.

Naatsorsueqqissaartarfiup nalunaarutigaa 2015-imi inunnut annertuumik innarluutilinnut 262-inut suliassaqartitsinermit akissarsititsisoqarsimasoq, paasissutissallu taakku kommuninut 4-maasunit 3-nit nassiunneqarsimapput. Suliassaqartitsinermit akissarsiat tunniunneqartarnerinut kommunini maleruaqqusat assigiinnginneri pissutaallutik kisitsisit

05-08-2016
Suliap nr.
2016 - 11865
Allagaatip suussusia Nr.
3242497

Postboks 260
3900 Nuuk
Oqarasuaat (+299) 34 50 00
All (+299) 34 66 66
E-mail: iian@nanoq.gl
www.naalakkersuisut.gl

nalorninartoqarsinnaapput. Kommunit sisamaallutik tamarmik suliassaqartitsinermut akissarsianut ataatsimut 3.287.889 kr.-inik 2015-imi aningaasartuuteqarsimapput.

Apeqquut 4. Tiimimusiap 15 kr.-imiit 20 kr.-imut, 25 kr.-imut imaluunniit 30 kr.-imut qaffanneqarpata aningaasatigut ukiumoortumik kingunissai Naalakkersuisut akisinnaavaat?

2015-imi aningaasartuutiginerqartut aallaavigalugit suliassaqartitsinermut akissarsiat qaffaaffiginerisigut ukiumut aningaasatigut kingunerisassai tamarmiusut imatut isikkoqasapput:

Akissarsiat tiimimut 20 kr.-inut qaffanneqarpata 1.095.963 kr.-inik amerlanerusunik aningaasartuuteqartoqassaaq.

Akissarsiat tiimimut 25 kr.-inut qaffaaffiginerqarpata 2.191.926 kr.-inik amerlanerusunik aningaasartuuteqartoqassaaq.

Akissarsiat tiiminut 30 kr.-inut qaffanneqarpata aningaasartuutit marloriaatinngorlutik 3.287.889 kr.-iulissapput.

Apeqquut 5. Naalakkersuisut UPA2017-imut annertuumik innarluutillit pillugit inatsisissatut siunnersuummik saqqummiussisoqarpata inatsisissatut siunnersuummi tiimimusiap nalimmassarnissaa qulakkeerniarpaat, taamaassappat qanoq?

Inatsimmik piareersaalluni allaffissornikkut sulinissami suliassaqartitsinermut akissarsiat sutigut qanorlu iluarsiiffiginerqarsinnaanersut aamma misissuiffiginerqassaaq. Suliassaqartitsinermut akissarsiat siunissami nalunaarut aqqutigalugu iluarsiiffiginerqarsinnaanisaat aamma naatsorsuutaavoq.

Apeqquut 6. Naalakkersuisut tiimimusiap inatsisitigut nalimmassarneqarnissaanik naalakkersuinikkut anguniagaqanngippata nalunaarutikkut tiimimusiap angissuilerneqarnissaa suli kissaatigissavaat?

Apeqquummut akissut innersuussutigineqarpoq. 5.

Apeqquut 7. Inatsisartut innarluutilinnut inatsisissami Naalakkersuisut tiimimusiap nalunaarutikkut aalajangersarneqarnissaanik suli, annerusumik nassuiaatitaqanngitsumik, piginnaatitsippata Naalakkersuisut tiimimusiamik qaffaanissaq aammalu nalimmassaajuarnissaq ingerlatiinnassavaat?

Tiimimut akissarsiaritinnegartut inunnut annertuumik innarluutilinnut ikiorsiisarneq pillugu inatsisissatut siunnersuutip piareersarlugu suliarinissaani iluarsiisoqarnissaa Naalakkersuisut isummersorfingissavaat.

Inussiarnersumik inuulluaqqusillunga

Med venlig hilsen



Martha Lund Olsen